

И 26
25636

МИХАИЛ ИГНАТОВ



Чукалы
шони

НОМИ КНИЖНОЕ ИЗДАТЕЛЬСТВО
1980

Михаил Игнатов

ЧУСАЛЫСЬ ШОМ

26636

БИБЛИОТЕКА
Респ. Краев. Музея
Коми АССР
город Сыктывкар.

КОМИ КНИЖНОЙ ИЗДАТЕЛЬСТВО
Сыктывкар 1960

Михаил Иванович Игнатов

ТЛЕЮЩИЙ УГОЛЬ

Рассказы на коми языке

Оформление художника Р. Ермолина

Редактор *С. Морозов*

Техн. редактор *И. Цивунин*

Худож. редактор *М. Безносков*, корректор *В. Потолицына*

Слано в набор 2|XI-60 г. Подписано к печати 3|XII-1960 г. Формат 84×108¹/₃₂
0,375 бум. л. 1,23 печ. л. (Уч.-изд. л. 1,2). Тираж 1000. Заказ № 3975. Ц01203.
Цена 35 коп. с 1. I. 61 г. 4 коп. Коми книжное издательство Дом печати.

г. Сыктывкар, Республиканская типография Полиграфиздата
Министерства культуры Коми АССР

МЕДВОДДЗА ВОСЬКОВЪЯС

Кольбм вося гожöмын «Войвыв кодзув» журнал редакцияö во-ясны тöдтöм авторсянь медводдза висьтъяс. Қырымалöма вöлі найöс Михаил Игнатов. Тайö нимнас сьöдз эз вöвны тöдсаöсь не сöмын лыддьысьысяс, но и редакцияса уджалысьяс. Висьтъяскöд ыстöм ичöтик бумажкаын автор скупиника висьталіс, мый сійö олö Воркута карын, уджалö геофизическöй партияын сейсмологöн, некымын во пö нин гижа висьтъяс, корсюрö пö веськавлывлі Сыктывкарö, но куш киöн пö редакцияö либö писательяс союзö пыравны эг лысьт, а мыччöдланторйыс öнöдз эз вöв.

Газетъяс да журнал редакциясö пöшти быд лун воöны выль авторъяссянь гижöдъяс. Унджыкысьсö гижны заводитысьяслөн гижöдъяс овлöны слабöсь, корöны дыр кадся ыджыд удж. Но воыв-лöны, дерт, и бурджыкъяс, печатайтны туянаяс.

Михаил Игнатовлөн висьтъясыс миянлы кызвыннас кажитчисны, кöть наын, тöдöмысь, вöліны на сюжетно-композиционнöй тэчас боксянь да кыв боксянь тырмытöмторъяс, кодъясöс колі бырöдны. Гижöдъяссянь öвтис талунъя лунöн, миян гөгöрын ключöн пуысь олöмнас.

Август тöлысь заводитчигöн ме веськалі командировкаö Воркутаö. Игнатов буретш локтис тундраысь.

Сэки ме бурджыка тöдмаси том авторкöд.

Михаил Иванович Игнатов чужліс Помоздино сиктса Мөдлапöв грездын. Война заводитчигöн сылы вöлі кöкъямыс арöс. Став мукöд челядьлы моз жö Михаиллы пельпомъяс вылö сölіс войналөн сьöкылуныс: детинка велöдчис и уджаліс колхозын. Гортса школа помалöм бöрын том зон пырис велöдчыны Ухтаса горнöй техникумö да карöтажник-геофизикöн некымын во нин уджалö паськыд тундра-


ын, корсьо да тодмалё рөднөй республикалысь мупытша озыр-
лунъяс. Том специалист лунысь-лун паськөдö тодөмлунъяссö, уджа-
лö и корсьо выль гижöдъяслы темаяс.

1959 вося сентябрь толысьын «Войвыв кодзув» журналын петіс
Михаил Игнатовлөн первой висьт «Чусалысь шом», октябрын вöлі
печатайтöма «Тундраын» да декабрын «Кодзувлы — югъявны»
висьтъяс. Во помын медбур висьтъяс да очеркъяс вылö конкурслөн
жюри тайö висьтъясыс Михаил Игнатовлы присудитіс мöд
премия.

1960 воын журналын Михаил Игнатов печатайтіс нин кык висьт:
«Шогтöг да радлунтöг — оз овлы» да «Книжка». Том авторлөн ги-
жöдъяс свежөйöсь, непосредственнөйöсь, насянь öвтö талунъя лун-
өн, миян гөгöрса ключөн пусь оломөн. Олан туй вылын скон-
йыштчылöм да бөр везькыд туй аддзысь том зон Андрей Ветошкин
(«Кодзувлы — югъявны»), том геолог Алексей Уляшев («Тундра-
ын»), бурөвöй вылын уджалысь техник-геолог Николай Мингалёв
(«Чусалысь шом»), заводса директор том инженер Михаил Чисталёв
(«Книжка»), райпромкомбинатса олома сапожник Иван Николаевич
Курочкин («Шогтöг да радлунтöг — оз овлы») — разнөй специаль-
ностя да арлыда йöз, но найö ставныс öткодя пöся радейтöны олом
да удж, найö ставныс миян современникъяс, ясыд вежöра сөветскöй
йöз, асланыс участокын коммунизм стрöитысьяс, кодъяс, гижöд лыд-
дьöм бöрын, мичаа сувтöны син водзö, дыр кежлö кольöны паметьö.

Сьöкыд, но благороднөй писательскöй уджын Михаил Игнатов
вöчис медвöддза воськовъяс. Öні сійö уджалö аслас первой повесть
вылын, коді шусьö «Шоръяс визувтöны юö». Том авторлөн гижан
почеркыс гижöдысь гижöдö крепаммö. Окота веритны, мый кольöны
вояс, и удж радейтысь том автор Михаил Игнатов сетас лыдды-
сьысыяслы уна бур гижöд. Та вылö сьлөн эмöсь став поэялунъяс.

Яков РОЧЕВ.



ЧУСАЛЫСЬ ШОМ

Николай Мингалёв садьмис сёрөн, дас öти часын. Ёна висис юрыс, косьмис горшыс. Но ведраясын ва эз вöв. Сийö петис коридорö да шатласигтырйи матыстчис суседлөн ведраяс дорö. Эз ю, а кисьтис сотчысь пытшкөсас кык кош тыр. Юрыс эз дугды потны, а пондiс ещö ёнджыка висьны: быттö кодкö ыджыд мөлötөн кучкалис. Николай бөр пырис комнатаас, водiс кровать вылас. Кутiс казътывны, кыдзи ставыс тайö артмис.

Тöрыт некытчö нин эз кöсйи ветлыны, но рытнас локтисны ёртъяс — Витька Рочев да электромонтёр Юрий Попов. Накöд Мингалёв öтлаын велöдчывлис техникумын. Сёрнитыштисны, Рочевкöд ворсiсны шахматнöй партия, а сэсся куимöн мунисны ужнайтны столöвöйö. Сэни Рочев зепсьыс кыкис вина сулея. Кисьталiс пызан улын, мед официанткаяс эз адзывны.

Кöть кыдзи Мингалёв эз пыксы, лоис юны. Первой румка бöрын — мöдöс. А кор юыштiс, пыр жö син водзас лоисны моряк, Валя... Сэсся воссис и мöд сулея... Вот талун и юрыс поткöдö-висьö. А öд нель час кежлö колö мунны удж вылö бурöвöйö.

Комнатаын вöли ыркыд. Весиг тöдчис лов шы руыс. Мингалёв чеччис, думыштiс: «Колö ломтыны». Бара петис коридорö. Из шом тыра ведра сулалiс пач вом дорын. Вайис пес, ломзöдiс. Пöшти ведра джын из шомсö недыр мысти шыблалiс пачö. Сэсся бара пырис комнатаас

да шыбитчис койка вылас. Слабиника ойөстисны пружинаяс, жиньмуніны джынвыйё тыртём комнатаын.

Джынвыйё тыртём? Да. Нинём на ньобны эз удит, и эз тэрмась. Койка, вольпась, өшинь дорын гөгрөс пызан, пельөсын нейджыд этажерка, көні куйлөны книга комын кымын, стенин крука вешалка, көні ошалөны пась, пальто да плащ, чемоданыс койка улын — вот и ставыс, мый вөлі сылөн. Удждонсьыс сійё быд төлысь нельөд юкөнсө ыстывліс гортас: мамыслы да чойыслы, коді велөдчис өкмысөд классын. Батыс эз вөв ловъя: уси война вылын.

...Война помасьөм бөрын во мысти Николай помаліс сизимөд класс да заводитіс уджавны колхозын. Но водзө велөдчыны көсийөмыс кыкис сійөс карө, куимсө верст сайө гортсяныс. Сэні пырис техникумө. Быд во, төвнас и гожөмнас, каникулъяс дырйи, сійө вольвліс гортас отсасыны мамыслы. Төвнас ваявліс пес, колхознөй муяс вылө кыскавліс куйөд. Гожөмнас ытшкис, куртіс турун. Удитліс и муяс вылысь идралыштны нянь. Рытьяснас ныв-зонкөд ветлывліс войпукъяс вылө...

Өти гожөмө, шоньд рытө Николай муніс орчча сиктө ылысса рөдня ордө ас кодъыс жө арлыда зонлөн нимлун вылө.

Төрөдчисны пызанъяс сайө. Медся тыдалана местаясө пуксялісны нывъяс да зонъяс, кодъяс важөн нин ветлөдлісны өтлаын, кызди шуөны сиктын — гуляйтисны. На костын важөн нин вөлі индөма свадьба лун, но виччысисны арсө. «Инавтөмъяс» (кызди шулывлісны томджык зонъясөс да нывъясөс, кодъяс эз на көртасыны өта-мөдныскөд) пуксялісны бокөджык, пөлать улө, көні вөлі пемыдджык да дзескыдджык.

Николай, төдөмысь, пуксис «инавтөмъяс» дінө. Рытыс лоис гажа. Мингалёв веськаліс кык ныв костө. Өтиыс на пиысь сьөд юрсиа, кызіник, турунвиж платтьөа, пыр жө заводитіс сёрнитны, шмонитны сы вылын. Николайлы эз вөв лөсьыд, пукаліс емъяс ймын моз: ныв шутитөмө кывзысисны ставөн.

— Ёнджыка, ёнджыка сійөс, Аня! — кодсюрө ышөдісны нылөс.

— Мед збойджыка пукалас, миян костө кө пуксис!

Мөд нылыс, коді пукаліс шуйгаладорас, Аня серти вөлі дзоляджык тушаа, сьөд юбкаа да дженьыд соска ковтаа, пукаліс лөня, сөмын көр нывъяс дзикөдз пикө воштисны Николайөс, өлөдіс найөс:

— Кызди оз дышод? Мый мортыс выло уськодчий-
ныд?

Недыр кежло нывъяс лоньлісны. Аня видзодліс мукод
подругаясыс выло, ворсыштис синъяснас да шуис:

— Тэныд мый, Валя? Жаль лоис?

Кор гостъяс лэптисны румкаяс да сиисны именниклы
быдмыны нимлунъя пирог ыджда, аддзыны бур невеста
да заводитисны чокайтчыны ота-модыскод, Николайкод
орччон пукалысь нывъяс эз вешйыны места вывсьыныс,
а отвылысь сиисны именниклы буро овны. Аня ещо
содтис:

— Мыйла ми сы доро мунам? Миянос сийо оз и
аддзы; сылысь синсо еро шондыс — бокас со Катя Ки-
селёва, — индис сийо юрнас нывлань, коди пукаліс имен-
никкод орччон. — Миян со асланым кавалер эм, именник
моз жо пукало. Сыкод и чокнитчамой!

Нывъяс сероктисны. Николай шойовоши: сыкод кутис-
ны чокайтчыны. Кодко, кажитчо, весиг и окыштис. Сийо
эз вермы дорйысьны, шуткаяс выло эз сюрны воча кывъ-
ясыс.

Кык румка борын Николай прамоя гажмис: первойысь
юис та мындасо. Пызан сайын заводитисны сывны, сийо
тшотш модис отсасыны. Сбылісны гоз-мод сыланкыв, сэс-
ся вештисны пызанъяс, заводитисны йоктыны.

Николай петис ыркодчыны кильчо выло. Бывлаис уди-
тома нин воли прамоя пемдыны. Ылын, му вежтасланяс,
кони енэжыс отлаасо муыскод, кыподчис кымор, сийос
поткодлісны чукльось би визьяс. Сэни неыджыд кость-
ясон мураліс. Недыр сулалом борын Николайодз пемыд-
сыс кыліс ныв голос:

— Йююк тэ! Одва тодан мортсо, а радейтом йылысь
нин мовпалан!

Воча кывсо Николай эз кыв. Сулалыштис на, и мый-
лако думыштис Аня йылысь да мод ныв йывсьыс, кодос
шуисны Валяон. Пырис, видзодліс: гостъяс повстын Аня
ни Валя эз вонны. Николай йоктыны эз кут, пукаліс на
час мында, сэсся мододчис гортас.

Юр весьтын кыморсо чашйисны гымновъяс. Быттьо
гора йывсянь изъя туйод кодко лэдзалис телегаяс. Толыс
гежодика вайодаліс тырысь зэр тусьяс. Кыморыс, быттьо
ыджыд съод эшкын, одйо вевтис войся енэжсо. Николай
муніс одйо, кызди сомын позьо воли мунны пемыдын,
чардыштигьясон туйсо видзодалитыр, и муртса эз усь-

кѡд кок йывсыныс кык нылѡс, кодъясѡс суѡдіс. Извинитчис да кѡсйис ордйѡдны, но ѡтиыс шыасис сы дінѡ:

— А-а! Тайѡ жѡ миян кавалерным котѡртѡ. Қашкѡ нин коньѡрыд. Гымалѡмысь полан? Лок, дзебам борд улѡ. Да, ме и вунѡді: сійѡ жѡ полѡ нывъясысь,— и се-рѡктіс.

Гѡлѡс сертиыс Николай тѡдіс Аняѡс.

Сылысь чѡв олысь пѡдругасѡ чайтис Валяѡн, и эз сор-сы. Чардыштис, югдѡдліс став сиктсѡ. Нывъяс окнитис-ны, а Николай аддзис Валялысь нюмсѡ, мелі синъяссѡ, кодъяс видзѡдісны сы вылѡ.

Быттьѡ вылысас пѡсь ваѡн койыштисны!

Смелмѡдчис, босьтис киняувтіныс кыкнаннысѡ, и шуис збоя:

— Ме, гашкѡ, тиянѡс и корси! Борд улад ме ачим вер-ма тиянѡс дзебны, кыкнаннытѡ.

— Қутшѡм суюсь! Оз уна ло? Бордтывйыд ичѡт на!

Николай гѡрдѡдіс. Но пемыдысла Аня эз казавлы та-йѡс. Шутитігтырйи воисны Аня керка дорѡдз. Аня пырис гортас, толькѡ мыйкѡ шѡпнитис Валялы да гораа шуис Николайлы:

— Тэ, кавалер, миянѡс эн вунѡд. Вольвлы частѡ-джык. Миян зэв гажа ѡвлывлѡ.

Николай да Валя колины кыкѡн. Мыйкѡ дыра муніс-ны лѡня. Некодныс медводдзаѡн эз заводитны сѡрнисѡ: Николайлы эз сюрны колана кывъясыс, а Валя, гашкѡ, яндысис.

Тѡлыс ѡтарѡ ыдждіс. Зэр тусьяс сюсьджыка тотшкѡ-дісны керка вевтъясѡ, шаргисны туй вылѡ, а сѡсся ѡд-дзис да ѡддзис, кутіс кисьтны кѡшысь моз. Николай да Валя муртса удитисны котѡртны Валяяс керка дорѡдз, сувтны кильчѡ вевт улѡ. Николай пѡрччис пинжаксѡ, плавгис Валялы пельпом вылас: зэр тусьяс неуна удитис-ны нин кѡтѡдыштны сылысь ковтасѡ. Валя первойсѡ эз кѡсйы босьтны пинжаксѡ, но век жѡ сѡгласитчис, аттьѡ-алис.

Сулалісны лѡшти орчѡн. Сѡрнитисны этша. Кость-ясѡн. Унджыксѡ поводдя йылысь.

Тадзи коли час, а гашкѡ и кык. Зэрѡмысь дугдіс. Толькѡ сѡрмѡм зэр тусьяс гежѡдика ещѡ тѡльснитлісны ва гѡпьясѡ. Қанавааясті, лѡниника жургигтырйи, визувтіс-ны джеңьыд нѡма шоръяс. Лѡбысь кымѡръяс косттіыс эз терпитсы видзѡдлыны му вылѡ кодзувъяслы: тэрма-

сисны тѳдмавны, мый лоис муыскѳд. Тѳлыс заводитѳс чеп-
сасыны, сѳдзкѳ, бушков помасис.

— Меным кад. Да и тѳян гортныд абу матын. Югды-
ны регыд кутас,—недыр мысти шыасис Валя да сетѳс
кисѳ.— Быд бурсѳ!

Николай небыдика, полѳгтыр топѳдлѳс сылы мыччѳм
кисѳ, но муннысѳ эз на вѳв окота. А Валя видзѳдлѳс сы
вылѳ, нюммунис и воши ѳдзѳс сайѳ. Николай весиг юав-
ны эз удит, кор да кѳни вермасны аддзысьлыны выльысь.
Сулалѳс некымын минут, сѳсся пасьталѳс пинжакѳ, лѳч-
чис кильчѳ поскѳдыс...

Тушаыс быттѳ кокняммис. Кажитчис: кокъясыс пру-
жинаяс вылын, ачыс лѳбѳ туй весьттѳыс. Сьѳлѳмыс тѳпик-
тѳс, чеччалѳс, эз тѳр морѳсас. Николай восьлалѳс гырыся,
туй шѳртѳыс, пѳраѳн кокъяснас веськавлѳс няйт гѳпъясѳ,
но эз кыв ваыслысь ботинки пиас пырѳмсѳ, эз аддзы гач
кокъясыслысь няйтчѳмсѳ. Синъяс водзас век на вѳліны
Валялѳн юрсиыс, нюмыс, чужѳмыс. И дивуйтчана: ставыс
тайѳ тыдалѳс ру пиын моз. Кѳть кыдѳи эз зѳль, сѳйѳ эз
вермы кутны паметяс Валяѳс ставнас: чужѳмыс и ста-
тыѳс нывлѳн вочасѳн вешѳисны, ылыстчисны, вошины син
водзсьыс.

Дыр эз унмовсь сѳйѳ войнас Мингалѳв, бергалѳс
воल्पасьын. Казьтывлѳс думнас быд поснитѳрѳдз став-
сѳ, мый вѳлі сиктын. Думнас сѳрнитѳс Валякѳд, шуалѳс
мелѳ кывьяс.

Вот кыдѳи овывлѳ, вѳлѳм, мортыдкѳд: олѳ-олѳ, ад-
дзысьлѳ да сѳрнитлѳ уна нывьяскѳд, и — нинѳм: быттѳ
сѳдѳи и колѳ. А бѳрыннас кыдзкѳ тѳдлытѳг друг вошѳ
спокойлуныс медся рамник видзѳдлассьыс, быттѳ ѳз-
тасны гуся биѳн. Сѳйѳ некор эз думайтлы, мый тадѳи,
друг, виччысьтѳг чукѳстчас сьѳлѳмас радейтѳмыс.

Унмовсис сѳйѳ, кор шондѳыс вель нин вылѳ кайис
енѳжѳ да туйвывса ва гѳпъясысь мѳдѳс кыптыны ру. Но
садьмис водз, и кыліс асьсѳ збодерѳн, тырвѳйѳ шѳйччѳ-
маѳн.

...Аддзысьлывлѳсны найѳ частѳ, быд рыт. Ѳтлаын вет-
лывлѳсны кинояс вылѳ, йѳктыны. Унаысь гуляйтлѳсны
уличаяс кузя либѳ сулавлѳсны ю пос вылын, перилѳясас
кутчысьѳмѳн, видзѳдѳсны векныдык, но джуджыд да
сѳстѳм ваа ю вылѳ, кодѳ куим боксянь кытшовтѳс сиктсѳ.
Найѳ, кыдѳи кажитчис Николайлы, гѳгѳрволѳсны нин
ѳта-мѳднысѳ кыв шутѳг, видзѳдлассьяс серти.

Ставые эськө вөлі бур, но кутіс матысмыны торйөдчан кад: помасисны Николайлөн каникульяс.

Валя лунысь-лун жугыльмис, аддзысьлігъясөн чөв оліс. Сөмын корсюрө лэптывліс Николай вылө лөзов синъяссө: вот-вот брызнитас синваыс. Николай віліс гажөдны сійөс, шмонитліс, но нывлөн шог эз быр.

Прөщайтчисны сійө жө пос вылас, көні сулавлісны рытьяснас. Сьөлөмъясныс типиктісны сідзи, мый кылісны өта-мөднысө. Мунігас нин Николай небыдика топөдліс да кужтөг первойсыс оқыштіс. Валя нинөм эз шу, толькө зарни синва тусьяс нывлөн тюркнитісны вонлы ки вылас, сотыштісны сійөс. Валя, синвасө чышкаліг, бергөдчис мөдарө.

— Вот тэ и мунан, Коля. Кутшөм өдйө... Гиж...

Николай и збыльысь эз дышөдчы письмөяс гижавны. Валясянь воалісны жө нежнөй, радейтана кывъяса гижөдъяс. Николай өнөдз на видзө найөс: куйлөны койка улын, чемоданын, муртса заводитөмаөсь вижөдны, көть и тубыртөма газет пиө. Корсюрө видлавлө найөс, мукөдсө лыддьө выльысь. Унаысь турыштчывліс сотны, но пытшкөсса гөлөс век өлөдліс:

— Думьштлы. Сотан — оз ло. Он-ө бырөд медся донасө?..

Сійө воас, кызди и воддзаясас, Николай локтіс гортас төвся каникульяс вылө, но Валяөс эз аддзыв: мунөма районө командировкаө сельпо делөяс кузя. Николай мунтөдз сідзи и эз удит бөрсө локны. Письмөясыд — письмөяс и эмөсь, а сёрнитышты, аддзысьлыны көть здук кежлө — мөд делө...

Дум вылас уси пачыс да Мингалёв чеччис, петіс коридорө, видзөдліс. Поддувалөсьыс тыдаліс би югөр, а из шомыс пачас быттө абу и öйывлөма. Босьтіс коколоука, көсийс гудрышты, но лои на кучкыны вывсянныс. Вөлөмкө, из шомыс вылісянныс коркаасьөма, лөма кокс, а увсянныс дзоньнас өгыр. Коколоукаөн кучкөмысь коркаыс поті, потөминтіыс ыпнитісны би кывъяс.

Комнатаас пырипмоз на босьтіс улөс, пуксис пызан дорө. Юр висьөм прөйдитіс, но киясыс век на дрөжжитісны. Босьтіс пызан вылысь чойыслысь письмө, кодөс аддзис өдзөс вугйө суйыштөмаөн төрыт, столөвөйысь локтігөн, выльысь заводитіс лыддыны:

«...Ми олам бура. Тайө луньясас на тэсянь воис куимсө шайт. Ыджыд аттьө. Ньөбим меным платтьө дөра,

мамлы шоңыд ковта. Лун-мөд сайын начким межос: помнитан кө, регыд менам чужан лун. Жаль: тэ ылын, он ло менам праздник ылын...»

Письмө помас чойыс гижис сиктса ыльторъяс йылысы: «...Иван Ивановичос вежисны председателысы. Шуоны: юомысь пө. Оні председательон райфоса заведующой Титов, Аня Тюрнина, миян «атаманшаным», да физикаысь велодысь Валерий Максимович готрасисны. Сёрнитоны: Валя Кочановаос пө коравлөмаось жө нин куимон. Тэ од төдан Валясө, көнкө: век тай Анякөд пөдругаасьоны вөлі. Кык зонсө ог төд, Лемвинской леспромхозын уджалоны, а коймодыс — Борис Зыбин, моряк, локтис армияысь воддза гожом. Сийос тэ, дерт, помнитан, көнкө: воліс отпускө, кор тэ вөлін гортын. Но Валя ставнысө бөр бергөдөма, шуома: менам пө эм нин жөникыс. А вбыльысө жө матигөгöрын некутшөм жөник йылысы оз кывсы...»

Кызди тайө?!.. Николай помнитө морякөс, оз вунөд. Моряк воома вөлі сиктө гожомнас Николайысь водджык и, дерт, ставыслысь пөртис синъяссө аслас форманас: мый и шуны, поэвө өмөй орччон сувтөдны морякөс томиник зонкакөд?

Первой рыгнас, кор Николай муніс клубө, пыригмозыс на аддзис, кызди моряк йөктис Валякөд. Сэсся пуксис сыкөд орччон, сёрнитис, шутитис. И Валя вөлі рад, сералис. Дерт нин, вунөдөма Коляос. Матыстчывлытөгыс өдий бөр петис клубысь, крапкис өдзөссө. Нельысь воліс клубө, и пыр аддзывліс өтлаысь найос: Валяос да морякөс. Сидзи эз и ло сёрнитөмыс Валякөд.

Дас лун гортас олөм бөрын, Валялы кыв ни джын шутөг, муніс гортсыс. Пөръяліс мамсө, мый корисны воны водджык уджаланинас.

И вот, уджалө сийө войвылын, тундраын, бурөвөй ылын, неылын Харем-ю посёлоксянь, а олө посёлокас. Воысь унджык нин коли кадыс сэксянь, сы мында жө эз гижлы и Валялы. Эз вочавидз Валялөн кык письмө ыло. Гижліс и Аня письмө, видіс, но пыдди эз пукты сылысь видөмсө, вочавидзис лёк ногон жө, скөракодь.

Но Валяос эз вунөд. Эз! Помнитис. Сьолөм пиас, пыдын, чусалис первойя радейтөмыс, кызди начас кокс корка улын өзъялысь биыс. Пөшти быд лун дум ылас воліс Валя. Казытывліс, кызди төдмасисны, гулайтлісны сикт кузя. Босьтчывліс унаысь гижны, но век косявлывліс.

Проклятой тшаплун!

Чойыслон письмөыс өні быттьо жугөдiс чорзьом кокс коркасö сьолөмсьыс. Йöй али абу сийö?! Эз гижлы Валялы мыйта кад, эз верит сийö радейтөмө, ышнясис, кор нинөмысь вöли ышнясьнысö. Сёрнитiс моряккөд? Йöктiс? Но мыйла сөсся клубас том йöзыс локтöны, оз кö гажөдчыны?! Валяöс коралöны, а сийö висьталö, мый эм нин жöник. Жöник! Кодöс сийö лыддьö жöникон, кодöс виччысьö, оз кö сийöс, Николайöс? Дерт жö, став тайö кад чöжыс Валя виччысис толькö сийöс!

Босьтiс пызан вылысь тетрадь да карандаш: чернила эз вöв.

«Валя прöститас, кöть карандашон лоö... Мыйта чукөрмис тижанторйыс. Но кызди заводитны?...»


Ывлаын вöли син ни пель — настоящöй войвывьса пурга. А карандашыс Николай кийн тöдлытöгыс ветлис бумага вывтiыс, колялис: «Валя... Валя...»

Да. Сийö гижас ставсö, мый йылысь мөвпалис, гижас уна, тетрадь джын вылö öтчөдйөн. И öнi жö, удитас кö. А оз кö удит — помалас аски. А сетны кö телеграмма? Öнi жö, удж вылö мунтöдз! Но кутшöм кывъясөн? Көть кутшöмөн! Мед сöмын Валя кылас Николай сьолөмлысь чукөстөмсö, гөгөрвоас, прöститас. Медым... көсийяс локны татчö, войвылö, сы динö...

Будильниклөн стрелкаыс петкөдлисны кык час. Сидзкö почта осьса на.

Николай тэрыба чеччис. Кылис, кызди пöри улöс. Пасьталiс пасьсö, кватитiс шапкасö, шарпсö, игналис комнатасö да, пась кизьясö кизявтöг, мунiс коридор пыр, осьтiс ывлаö петан öдзөссö да суныштiс пургаас.





КОДЗУВЛЫ — ЮГЪЯВНЫ

Уна уджыс снимайтчысьлөн, торйөн нин сэк, кор сійö быдса районуи отнасөн. Қымын морт во чөжөн пыравлө снимайтчысь керкаö нйит жокөн и сөстөмөн, ниртлывлө көрт тувья салөгнас охраөн краситөм джоджсө и өдзөс порогсө, кольывлө аслас чужөм-тушалысь сер-тассө негативной плёнка вылө! Унаөн корлөны снимайтчысьөс гортаныс: то ли свадьба, то ли кулөма кодкө, то ли прөстө паметь вылө, то ли паспортө снимокьяс вöчны.

Некымын сө карточка снимайтчысь альбомьясын, а босьтны кө, зэв этшаөс төдө, этша йылысь кужө висьтавыны: кодьяс найö, кызди олөны, мыйысь радуйтчөны, мыйысь шогсьөны. Қызвыныс торьялөны сөмын сійөн: либө мортыс съод, либө еджыд, либө пöрысь, либө том...

Со на пиысь öти: нейджыд карточка вывсянь видзөдө курткаа, ар кызя зон. Кудриа юрсиыс петöма кепка увсьыс. Синьяссө читкыртöма, сулалө шюнді паныдыс. Вомсө топыда тупкөма, кажитчө, улыс вом дорсө курччыштöма. Вот и ставысь, мый позьö висьтавыны карточка серти.

И сөмын восьса сёрни бöрын, быттьö ловья ваөн мыссьөмысь, ловзьö мортыс, тыдовтчөны сылөн олөмыс, мөвпьясыс.

Вөлі тайö некымын төлысь сайын.

Ме ветлөдлі районті, волі леспромхозö, колхозьясö, снимаиталі бура уджалысьясөс районной Почёт Дöска вылө партиялөн районной комитет тшöктөм серти. Бура

уджалысьясысь өтдор снимайті и уна мукөд йёзөс: кодөс паспорт вылө, кодөс комсомольскöй билетö. Плёнка пöшті бырис, колö вöлі веськөдчыны гортлань.

Колхозын, көні олі бөръя лунъяссö, сетöны вöлі машина мунны мир туй вылөдз, но ме öтказитчи. Йёз бурлунысь меным вöлі долыд, но сёлөмöй эз лэпты босьтны быдса грузöвöй машина, көть нин весиг час кежлö, кор сійö ёнджыка колö мөдлаын.

Не лыддыны кө дзоляник чемодан, көні новлөдлі улыс дөрөм-гачөс, фотоаппаратöс да фотоматериалъяс, груз менам эз вöv, и ме öдйö восьлалі сійö вит верстсö, кодъяс торйөдісны колхозсö мир туйысь. Мир туй — тадзи нимтысьсö туйыс, коді йитö некымын район да омöля торъялö мукөд вöрса туйясысь, кыті позьö мунны машинан.

Машинаяс ветльвлісны гежöда: луннас, колөкө, мунласны вит-ö-квайт, и то öтарö-мөдарö. Тайöс төдөмөн, машина виччысигмоз, воді туйбокса турун пиö.

Ме весьтын нюмъяліс кымөртөм, кельыдлөз енэж. Кажитчö, сорси: сэні вылын-вылын мыйкө вöлі... либö еджыд гөнтор, либö мыйкө көч модаа. Но көчьяс öд гожөмнас абу еджыдөсь. Абу көч, а вöv вылын багатыр. Мунö багатыр чистöй поле вывті да видзөдö водзö. Кольчугаа, öти киас копьё, мөдас — щит, юр вылас эзысь шлем. Тайö Иван Царевич. Мунö, көнкö, мездыны Кашей либö Змей-Горыныч киясысь ассьыс Василисасö... Аддзис менö Иван, мый сулала туйвежын, и гөнитö мелань: вöv кокъяс увсьыс лэбзьöны би киньяс. Көсйö, буракö, юавны туйсö мудрöй волшебник дінö, лэччö вöv вывсьыс, и мыйлакö юасьö: муна али ог ме Сөпдиноö. Чуйми, көсья вочавидзны, но друг аддза: енэжсянь ме вылө веськыда усьö кодзув. Нюжөді киясöс дорйысьны, а сійö чеччыштис бокывв да шыөдчис кыз гөлөсөн:

— О-о! Тыдалö, важөн нин табактөм, папирос дінö кисö нюжйөдлө.

Мый вынысь садьмөдчи, восьті синьясöс. И аддза ас дінысь беринөсь чужөма, балябөж вылас йөткыштөм кепкаа, гөрд юра копыртчөм мортөс. Сійö майкаа, мазутөсь тача. Гожъялөм киясыс вевттысьсöмаөсь вөсньыдик бус слөйөн, вом доръясыс потласьсöмаөсь.

Тайö и збыльысь вöлі Иван, сөмын эз Царевич, а Иван Жебырев, Сөпдинскöй райпотребсоюзса шофёр.

— Оз-ö туйным öтарö мун?— юалö сийö менсьым.—
Гортланьö кö — нуа.

Унзильпырысь висьталі, мый гортлань, дыша чеччи да мөдöдчи машиналань. Ассьым туйвывса ёртöс, зыртчöм чемоданöс, кузовö шыбитöм бöрын кути кайны сы бöрся.

— Дмитрий Николаевич! Кабинаыс жö прöст, мыйла тиянлы кузовын чеччавны? Сэни мед со эстшöм ветлысьяс-ыс чеччаласны,— Жебырев индiс юрнас кузовлань да мигнитiс меным.

— Аттö, Ваньö. Татшöм жар поводдянад кабинаад воздухыс сз тырмы, а кузовад, кöть и буса, мыйта колö. Тэ, кöнкö, öни ачyd рад мунны пассажирөн, а не шофёр пыдди?— шуи ме, сэсся, грузöвик кöлеса вылö сувтлöмөн, шыбиті ачымöс кузовö, и синъясөн вочааси кузов пыдöс-ын тубыртöм фуфайка вылын пукалысь зонкöд.

— Меным? Пассажирөн? Гашкö сэк, кор пета пенсия вылö!— воис менам пельöдз кабина öдзöс сиптöм шыкöд öттшöтш, и машина фыркайтiгтырйи вöрзöдчис быд сикас гöпъясөн да гуранъясөн озыр мир туй кузя, кыти мунигөн мыйлакö век усьлö дум вылад районной доручастокса начальство.

Ме чолöмаси кузовын пукалысь зонкöд. И, веськыда кö шуны, лои рад, мый ог öтнам мун Сöпдиноöдз кольöм ветымын километрö: аддзи ёртöс, кодкöд позяс сёрнитыштыны. Татшöм думъясөн пунктi чемоданöс матöджык кабиналаньыс, зонкöд юрччөн.

Зонка, тыдалö, эз вöв варовьяс лыдысь (либö первойсö сэтшöмөн кажитчис). Гашкö, вöйтчис аслас мөвпьясö, мый йылысь позьö вöли думыштыны нинöм аддзытöм видзöдлас сертиыс, кутшöмөн сийö видзöдiс бөрö кольысь буса туй вылö, туйбокса гожся дзоридзьяс да пуяс вылö, кодъяслөн туй весьтö öшйöм увъясыс гежöдика инмывлісны кабина вевтö, öвтыштавлісны гожсайса ыркыдөн. Пукаліс сийö пидзöсьяссö морöс бердас матыстöмөн. Кыптыштöм гач кокьяс увсьыс тыдалісны лöz носкияс, кокьясас — тапочкияс, вельветöвöй курткаыс да донтöм трико гачыс прамöя нин пудритчöмаöсь бусөн; русöй кудриа юрсиыс гажаа йöктiс машина муномысь, кепкаыс вöли пидзöс вылас.

Сёрни мян костын чужие тöдлытöг. Қоймөд өдөн мунысь машина друг пöлынтьчыліс — мянöс шыбитіс бортлань. Эгö на удитöй чеччыны, кыдзи шыбитіс мөдарö.

Ме уси вонка вылө и чеччигмоз извинитчи. Ми видзөдлім ота-мөд вылө, нюмъөвтім кыкнапным.

— Ок! И туй жө!— шуис сійө, балябөжсө видлаліг-тыр, тыдалө, кучкысьөма.— Мөдысь таті муна, и өні өнджыка шыблөдлө... А тэ тайө местаясас важөн нин?

— Тані чужлі, тані и ола,— шуи ме.— Сөпдиноын школа помавлі. Öні районуын уджала. А тэ ассыд уджалан туйтө аддзин жө нин али дасьтысян на корсьны?— думышттөг юавсис менам.

Зон нинөм эз вочавидз, тыдалө, дөзмис.

Машинанымөс шыблөдліс кадьсь кадө. Миян бөрвылын, туй весьтас, өшаліс машинаөн лэптөм верст джынъя бус кымөр. Жалиттөг сотіс шунді. Вөрьс помассис, и туйыс петіс видзьяс вылө. Қысянькө кылыштіс ма дук.

Гашкө, чөскыд, уна пөлөс дзоридз дука сынөд вөснаыс, а гашкө и сійөн, мый туйыс лөси шыльыджык, зонлөн вөссис вомыс.

— Э-эк!— кинас өвтыштіс сійө.— Меным важөн узьны оз сетны мөвпъясьөй. Öд менө өтнамөс семья пиысь шыбөлитіс... Ыджыд вок армияын полковникөн служитө, мөд вок — велөдысь, чөй — врач, горсоветса депутат. А ме? Тыдалө, збыль шулывлөмаөсь: семья пө урөдтөм оз овлы. Ме, талунъя лун кежлө, дезертир ним повлөдла. Чуйминныд? Да, дезертир. А өд бур комсомолецөн ачымөс лыддывлі, взносьяс срокын мынтывлі. Збыльысьсө жө вөвсьөма... Э-э, кывъясыс сэтшөмъясыс абуось... Öні тода нин: комсомолецөн лоны — не сөмын срокын взносьяс секретарлы вайны да волены быд собраңие вылө. Қолө кужны аддзыны өлөмсө, сьөлөмнад кывны өлөмыслысь лов шысө... Унаөн өні том йөз пиысь думайтөны: миян кадө пө нинөм ыджыдторйыс вөчнысө эз коль, подвигъяссө ставсө вөчисны, удитісны миянысь водзджык. Вөлі и менам грек: ме сідз жө думайтлі...

Қольөм во шөркодя помалі дасөд класс, гождөмсө шойччи, институтө эг тэрмась, кыдзи мукөд. Мөвпалі аслым: заводө пыра уджавны, станок дорө сувта, кыдзи батьө ас кадас заводитлөма. А институтыд юз пышйы, эмөсь кө менам төлк да кужөмлун.

И мөвпъясын ставыс артмывліс шыльыда, өдйө, торксьывлытөг.

Арнас, сентябрь заводитчигөн, Володя дядь, батьөлөн ёртыс, отсаліс меным пырны Сыктывкарса ремонтно-механической заводө. Вөскалі ученикөн ар нелямына, кузь

тушаа уна во нин уджалысь токарь Коробов дінö. Мекöд сійö ёна эз сёрнитлы, да и некодкöд торъя эз варовитлы. Юавласны кö мыйкö сылысь, вомулас буркнитлас да водзö уджалö. Унджыкторсö вöчны велавлі ас юрөн, сылөн уджалöм бöрся видзöдигөн. Но корсюрö сійö век жö сетывліс вöчны прöстöйджык детальяс. Меным кутіс кажитчыны, мый сійö уджалö надзөн, а позьö öдйöджык. Öтчыд ме сылы висьталі та йылысь. Сійö син бöжнас видзöдліс ме вылö, буркнитіс: «Қор ачыд сувтан кок йылö, сэки и öдйöсö уджав, петкöдлы». Смена помас жö сылөн век вöлі нормаөн-джыһийөн, а то и кык норма петö. Мукöдыс шензьевлісны, и ме эг этша дивуйтчыв.

Қоли кык тöлысь, и меным сетісны станок. Қызди ме виччыси тайö лунсö! Қызди радуйтчи! Тайö сöмын меным гөгөрвоана. И мый ті думайтанныд? Норма джын сöмын вöчи, и сы пиысь дас квайт процентыс — брак. Сэтшöм эз ло лöсыд, удж бöрын öдва вои гортöдз.

Мöд луннас, кор вöлі вöча на первойя детальяс, локтіс ме дорö Пётр Никодимыч (тадзи вöлі нимыс да вичыс Қоробовлөн). Сійö тöдмалöма менсьым «бура» уджалöмöс, локтöма видзöдлыны. Зіли быдтор вöчны öдйöджык, но, дерт, и польшті на йöз видзöдигад да ковтөг кватласи. Сулаліс сійö минут вит кымын, шуис некымын кыв: «Повтөгджык. Лöньджыка. Чеччавтөг». И муніс.

Эз пыр, но век жö делöяс менам бурмисны. Пётр Никодимычöс эг вермы суöдны, но норма нейджыд содтöдөн куті сетны, кызди и унаөн цехын. Уджалі тадзи февраль помöдз, нажötка босьтлі шөркодя: мам вöлі рад да и аслым на кино вылö да мороженöй вылö кольлі!

И сэки, öти лунö, заводса комсомольскöй секретарь Надя Қовалёва висьталіс меным, медым ме квайт час рытын муні горкомö. Первойсö повзьяштлі: öд горкомад мукöд дырйиыс корлöны мыйысь-нибудь шыльöдыштны юрси паныдыд. Ог тöд мукöдлаын кызди, а мян овывлө сідзсö... Мый кузя корöны — Надялысь юавны вунöді. Но вочасөн полöмöй быри: ас думысь нинöм омöльторсö ме эг вöчлы.

Удж бöрын пыр жö локті гортö, сёйышті, пасьталі праздничнöй костюмös и муні горкомö. Қор ме пыри, сэні вöліны нин морт комын кымын. Найö, нейджыд чукөръясөн сулаліг, мыйкö йылысь гажаа сёрнитісны. Мый йылысь — эг удит тöдмавны: вонъяс пиысь öти корис менö лекционнöй залö, и ми кайим мöд судтаас.

Выльнджык, сцена вылын моз, гөрд дөраөн вевттьом пызан сайын пукалісны миян заводса комсомольской секретарь Надя Ковалёва, комсомоллөн горкомса первой секретарь да ещё өти төдтөм зон.

Ставыс чукөрмисны морт сё гөгөр. Қор пуксялісны, лөи лөнь. Сэки сувтис горкомса секретарь да заводитис сёрнитны. Сійө висьталіс, мый уна комсомолецъяс асьнысө жалиттөг өні уджалөны Казахстанса да Алтайса эжа да эжмөм муяс вылын, тышкасьөны озыр урожай вөсна, кызди война воясө налөнгырысьджык ёртъясыс тышкасисны Рөдиналөн честь вөсна. Но не сөмын колө лэптыны Алтайын да Қажастанын эжа муяс — миянөсгырысь уджъяс виччысьөны и асланым республикаса войвыв районъясын. Сэтчө колөны сюсь да повтөм йөз, кодъяс дасьөсь мунны быд пөлөс сьөкыдлунъяс пыр. Партия шыөдчис комсомол дорө, и ми не долженөсь подведитны... Помалігас корис пөся чукөстчыны партиялөн призыв вылө. Сы бөрын сёрнитисны Надя да ещё кымынкө морт залын пукалысьяс пиысь. Унджыкыс, на лыдын и ме, көсйысисны мунны сэтчө, көні вөлі сьөкыдджык, коланаджык. Разөдчим комсомольской путөвкаясөн...

Шофөр сувтөдис машинасө и, кабинаысь петігмозыс, горөдис миянлы:

— Чеччөй, воим! Тшынасьыштөй — радиаторө ва содышта. А сөсся ещё час — и гортынөсь лоам! Юны көсьянынд? Со и ю визувтө, сөдз, югыд, көдзыд ваа.

Ми надзөник, кузовын чеччөдлөмысь доймалөминъяс малалігтыр, лэччим машина вылысь. Важөн нин мөвпалім вом тыр ва йылысь, и вөлім радөсь сувтөм вылас... Сэки ме и снимайті зонкаөс...

Орлөм сёрни йитчис бөр, кызди сөмын машина вөрзөдчис, вуджис ю вомөныс неыджыд пу пос вывті да кутис ылыстчыны ю дорсянь пожөма яглянь.

— ...Пөлүчитім путөвкаяс,— водзө висьталіс зон,— и виччысьны ог вермөй вөскресеннө лун: сэки колө вөлі петны туйө. Но вот, воис и мунан лун. Миянөс коллөдны локтис, гашкө, став карыс: музыка, йөктөны, сьылөны, оқасьөны нелямын градуса көдзыд вылө видзөдтөг.

Қык сутки бөрын воим тіян районө, ас костаным ставным төдмасим туйын, и некод эз вөв жугыль. Воим войнаса, но, та вылө видзөдтөг, миянөс вөлөм виччысьөны: иналісны гостиницаө. Вөлі нимкодь, мый төждысисны миян вөсна.

Аскинас аддзыси өти том морткөд, кодi, вөлөмкө, миян карысь жө. Сийө уджалө Сөпдинскөй МТС-ын. Менө да менсьым өртөс өна корис кольччыны асланыс МТС-ө. Ми сөгласитчим. Комсомоллөн районнөй комитетын шуисны: «Миянлы и сәни колөны уджалысьяс». Эз кутны му-нөмсьыс. Некумын час мысти ми вөлим нин Сөпдинскөй МТС контора дорынөсь.

Муртса удитим петны автобусысь, и миян динө, код тө-дас кытысь, воис сьодасыөм чужөма, мазутөсь телогрей-каа морт.

— Выльяс? Гөгөрвоана. Куритчан сюрас?— шыөдчис миян динө, сәсся босьтис кодөнкө чургөдөм папирос да, юрьяс вывсынь кокьяс улөдз миян вылө видзөдлөм бө-рын, чөвтис пинь пырыс: «Кисель!»— сьөлыштис муө да мунис. Висьталисны, мый тайө первой лодырыс МТС-ын.

И вот, быттө нарoшнө, ме веськалi овны общежитие-ын кык морта комнатаө Жикинкөд, тадзи вөли сылөн овыс.

Первойсө ставыс вөли сiдзи, кыдзи колө: асывнас ме сыысь водэджык мунлывлi удж вылө, а рытьяснас ад-дзысьлывлим этша: зильлывлi мунны сы дiнысь. Сийө во-льывлis сөрөн, быд лун вөли код и мытшласысь кывйөн заводитли меным висьтавлыны аслас ветлөмьяс йылысь. Ме вевттысьли эшкынөн юр вывти и зильлывлi өдийн-джык унмовсьны.

Но недыр кад мысти сийө век жө суйис ме пытшкө «пучөйөс», кодi дугдывтөг кутис йирны менсьым юр вемөс...

Луньяснас ми ремонтируйталим видз-му уджалан ма-шинаяс, а рытьяснас час нель быд рыт уджалим комсо-мольскөй субботник вылын — вөчим выль ремонтнөй мас-терскөй. Вөвлi и дзескыд, көдзыд: пургаяс да морозьяс дырйиыд мазутөсь спецодежданад и керьясөн ноксьыны абу пөсь шыд панялөм кодь.

Субботникьяс вылө волювлis и Жикин. Уджавны? Мед эз! Мунлывлis өтар помсяньыс мөдөдзыс да шулывлis: «Уджалад, том йөз?.. Стучитөй, стучитөй, сөмын чернаныд унджык, а пиньяснад этшаджык». А гортын шулывлis: «Кутшөм чөрт тэнө, Андрюша, татчө вайис?» Андрейнас менө шуоны, а овөй — Ветошкин. «Тэнад, шуө, вөлөма места заводуын, не сэтшөм-татшөм эмтээсын... за-водуын! Сәни вермин вочасөн велөдчыны мастерө, деньга мыйта вермин кульыштны — эн эмтээсын мында. А деньганад —

нывьястö бөрйы, кодöс колö, и ресторанын — лолыдлы мый колö! Олöм!.. Пропадитан тані, и здоровьетö воштан», — шуас вöлі тадзи да серöктас. А менö татшöм сёрнияссыд кезйöдліс. Жикин жö зілис быд лун: «Вот тэнад вокъясыд — кыкнанныс велöдчöмаось, петісны йöзö мöд туйöд, а эз мазут да няйт пыр. Тэ жö мыйкö ни тпру, ни ну! И окота тэныд тані гожъявны?!»

Менö сылөн тайö сёрниыс ёна дözмöдліс, и мукöд дырйиыс ме паныдавлі сійöс: «Но и мед! Абу став йöзыслөн олöмас öти туй. Мукöдыслөн туй вылас унджык изьясыс, и найö, туйсö весалöм бöрын, вооны асланыс цель дорö озырджыкөн да ёнджык сьölöмөн».

Жикин менö лэптывліс серамывы.

Бедаыд пö, шульвлöны, öтнас оз лок. Сэк жö ещö öти-тор лоис мекöд. Ме вошті ёртъяслыс дöвернесö. Артмис тайö тадзи. Тэрмасим ремонтируйтны видз-му уджалан машинаыс ылысса колхозъяслы, медым рöспутаöдз нуны найöс места вылöдз. Меным сетісны вöчны жугласьöм да изсьöм машина частьяс пыдди выльясöс. Весиг удж бöрын кольччывлі, пошки-зіли, вöчи, тöді, мый колö ёна. А кор эштöді, тыдовтчис, мый вель уна частьяс менам вöчöм пиысь юз шогмыны. Вöлі гөгөрвоана: лун кык-куим, а то и унджык, воши. А тулысыс эз виччысь...

Чукöртчис комсомольскöй собрание. Ёна видісны, код-сюрö весиг шуисны менö вредительöн. А ме мый? Висьталі, дорйыси, петкöдлі налы чертёжъяс, кодъяс серти уджалі. Но кывзысьыс эз сюр. Вöлі факт, а мыйла, кызди сійö лоис — некодлы делö эз вöv. Шуисны: гижны личнöй делöö строгöй выговор; муртса эз вöтлыны комсомолысь, а öд вöлі сэтшöм предложениеыс. Муні сэки собрание вылысь скөрөн, дözми да. Ме öд тöді: ставсö вöчи стöчабура. А кызди бракыс артмис, бöрынджык нин тöдмалісны: главнöй механик сорсьöма чертёжъясас.

Став выньясөн машинаыссö век жö лои ремонтируйтöма да рöспутаöдз мöдöдöма колхозъясö, но выговор сідзи и öшаліс ме вылын. Либö кадыс эз вöv собраниеыс вöчны, либö ёртъяслы яндзим лои шуны, мый неправöсь вölіны, но тайö вопросыс сэки да и бöрынджыксö коли видлавтөг. Мукöдыс, гашкö, и вунöдісны, а ме пытшкын пукалысь «пучöйыд» аддзис тайö слаб местасö, кодöс шуöны öбидаөн, и быд лун ёнджыка и ёнджыка тöчитіс, тшöктіс кывзысьыны Жикин сёрниясö. Гежöда куті ветльвыны и ёртъяс дінö. А сэки ещö и сёрни кутіс ветлыны, мый

МТС реорганизуйтөм бөрүн, миянөс ыстасны колхозо. Жикин сэтчө ещө содтывліс: «Сьөкыд лоас первойтө запчастьяссыд. Кутшөмсюрө заготовкассыд вөчан да и жу-гавны абу дыр. Весь сулалөмьяссыд тиянлысь ассянныд дон бергөдасны. Колхозьяслы колөны уджалысь машина-яс, а оз кулөм техника...»

Тэ юалан: кызди өні кута относитчыны Жикин дорө? Ме думайта да, сийө абу нин сәні — вөтлісны. Ещө сәки на ме юавлі аслам ертьяслысь, мыйла видзөны сийөс эм-тээсын. Но найө шуисны: «Начальстволы тыдалөджык».

...Ог төд мый: то ли өбида, то ли мамө висьөм йылысь письмө, көні өттшөтш юөртисны Володя дядь кувсьөм йы-лысь, а, гашкө, и ставыс өтлаын гудыртисны менсьым юр-вөжөрөс, и ме өти лунө чукөрти көлуйөс чемоданө. Гуся-сысысь моз, бөрвыв видзөдалігтырйи, мед некод эз аддзыв, керкаяс сайті лэччи пристаньө, сөлі пароход вылө и рыт-нас вөлі нин ылын Сөпдиносянь...

Со кызди заводитчис менам дезертируйтөмыс,— брез-гуйтана чукыртчывліс сылөн чужөмыс,— яндзим весиг и висьтавнысө. Но ме кыв сеті аслым: висьтавны ертьяслы локтөмөн тшөтш ставсө тайөс, мый өні тэныд висьтала. А вот эг вермы терпитны и тэныд, төдтөм мортлы, заводиті... Ог вермы водзө кыскавны тайө няйтсө сьөлөм ылын, мед төдасны йөзыс, видасны, видзөдасны ме вылө сэтшөм видзөдласөн, кутшөмөс заслужиті,— гашкө, кокньодас не-уна. А висьтала вот и быттө ме ылысь сімөм көрт вы-лысь моз сім лэччө.

Витөд луннас вои гортө, рөднөй карө. Бур, көть төдсаяс кар кузя мунігөн эз вочаасыны. Пыри гортө, чо-лөмаси. Мамө чуймис. Сылы лөсьыдджык нин вөлі, но вольпасысы эз на чеччыв. Шензис менам локтөм вылө, но вөлі рад. Юасис быдтор йылысь, сөмын эз юав, мыйла и дыр-ө кежлө локті.

Төвнас, менам мунігөн, сийө эз ысты, а батьө шуліс: «Мед мунө. Том йөзлы колө велөдчыны овны аслыныс».

Бать локтіс удж вывсьыс рытнас и, кызди аддзис ме-нө, пыр жө шыасис: «А-а, Андрей! Отпускө локтің али мый? Одыө тиян отпусктө сетөны».

Ме, юрөс өшөдөмөн, висьталі, мый эз кажитчы меным: көдзыд и сьөкыд уджавны, и көсья заводө бөр пырны. Сийө кывзыштис, недыр видзөдіс ме вылө, сәсся кызди тай горөдіс: «Марш, шалопай, керкасыс! Абу горт тэныд

тані! Мед менам синъяс эз аддзыны! Став семья вылө позор!.. Қолөкө, меным мамыдкөд, вокъясыдлы, чойыдлы дас пөв сьөкыдджык вөвлі, но уджалан местаысь некод эз пышйывлы! Эз вөв некод трусөн!..»

Гашкө эськө дыр на сійө видіс менө, но ме кватиті кепкаөс да плащөс и чөпөсйи ывла вылө. Вєськыда кө шуны, меным и аслым эз вөв эзв долыд.

Дэоляник карын юөръясыд разалөны өдйө: мөд луннас нин став төдсаяс төдісны менам локтөм йылысь, и не сөмын локтөм йылысь, но и сы йылысь, мый понда локті.

Вежон чөж эг петаवлы гортысь, мамө вольпась дорын дежуриті, полі йөз водзас петкөдчыны. Батьө дугдіс увгөмысь, но дугдіс и мөкөд сёрнитөмысь, быттө ме эг и вөв.

Өти рытө кызкө век жө збоймөдчи да петі клубө: гортын сэсся эз пукавсьы.

Первой вөлі кино, кино бөрын заводитчисны йөктөмъяс. Ме пыри куритчөм бөрын залас, пукси пельөсө, медым өттшөттш ставсө аддзыны и не лоны синмө шыбитчанаөн. Клубас муні, медым аддзывны... эм сәні еджыд юрсиа ныв, почтальонөн уджалө, гажа, збой — видзөдлас кө, пөсъявлан и көдзавлан. Гажтөмчи.

Пукала пельөсын, виччыся, кор сійө, менам Зинаөй, локтас, и друг аддза — локтө ме дорө Наташа Рублөва, заводысь нормировщица. Пуксис орччөн, заводитіс сёрнитны. «Бур рыт, Андрюша,— шуө.— Вот и бур, мый тэ бара тані. Важөн нин пө воөмыд, а ньөтчыд клубын эн вөв?» А ачыс видзөдлас ме вылө — югнитлөны синъясыс, и увлань лэдвө найөс: «Зонъяс ставыс муналісны коді кытчө. Мужикъяс сөмын колины. Тані өд уджыс уна жө».

Довкнитла корсюрө юрөн, мый сөгласен ськөд, көтө ачым и джын кывъяссө весиг ог кыв, и дугдывтөг видзөда өдзөс вылө.

И вот воис Зина, а менам чеччө сьөлөмөй — некыз ог вермы лөньөдны. Видзөдліс гөгөр, аддзис, дерт, менө, но быттө эз казая, сөмын чужөмыс стрөгджык лоис. Оркестр заводитіс ворсны, и найө пөдругаыскөд тэрмасьөмөн петісны йөктыны. Гашкө, думайтис, мый ме кора йөктынысө. А ме пола петны пельөсысь, яндзим меным.

Ворсөны мөд, нельөд, дасөд йөктөм, а ме пукала и пукала. И Наташа орччөн пукалө. Кор корласны сійөс йөктынысө, мыйлакө оз жө мун. Ме ог сёрнит, и сійө оз. А кадыс йөктөмъяс помасьтөдз коли этша нин. Збоймөдчи. Чеччи да кори Наташаөс. Сійө рад, нюмъялө. Ми пе-

тім пельбосысь. Но друг музыкаыс дугдїс, и став йоктысь-
ясыс быттьо команда серти пуксялісны стенбокса скамья-
яс вылө. Сөмын ми Наташакөд колим зал шөрө, но сәсся
тшөтш жө вешйим бокө. Некымын секунд мысти оркестр
бара шыасис, йөзыс йөктөны, и ми петім. Муртса воим
зал шөрланьыс, лөнис музыка, и став йөзыс видзөдөны
ме вылө.

Гөгөрвои: меным объявитөмаось «бойкот», кедзөвтө-
ны. Чужөмөй, кыла, гөрдсьыс-гөрд лоис. Өдйө, весиг На-
ташалы кыв шутөг, котөрөн сорөн муні өдзөслань. Мыш
сайын кыліс гора ныв гөлөс, сьылө частушкаяс. Ме йы-
лысь. Гөлөс вөтчө ме бөрысь. Пөсялі, ог төд, кытчө мун-
ны, мый вөчны. Петігөн өдзөсас вочааси Зинакөд, здоро-
вайтчи, но сійө ме вылө сідзи видзөдліс — думыштны он
куж. Синъясыс вөліны шөгөсь и скөрөсь, жалитысьсь и
повзьөмаось. Менам «здравствуйте» вылө эз вочавидз.
А гашкө, и вочавидзис, да ме эг кывлы, петі ывла вылө.

Ветлөдлі войбыд ывлабдыс да думайті: «Мунны бөр
Сөпдино? А сәні кө тадзи жө паныдаласны?..»

Коли мөд вежон, и мамө бурдїс, чеччис вольпасьысь,
а менам крепаммис юрын мөвп: «Муна бөр!» Быттьокө
ме вывтї тшөтш муніс кутшөмкө висьөм. Менам өти
туй — Сөпдино, ёртъяс дорө, кодъяс дінысь шыш моз
пышйи, а өні на діно муна, медым мыськыны нййтсө ас-
лам сьөлөм вылысь.

Висьталі мамөлы — бөрдыштїс, но воча нинөм эз шу,
висьталіс батьөлы. Батьө сөмын өвтыштїс кинас, думнас,
тыдалө, эз верит.

И вот ме бара нин туйын. Колльөдїс менө өтнас мамө.
Гөгөр йөзыс жуө, но меным кажитчө, мый ещө кодкө оз
тырмы.

Вит минут коли автобус вөрзьөдчытөдз. Сулалам, сёр-
ни быри, мамөлөн люзьгө синваыс, чышкалө чышъян пель-
бөснас; и менам сьөлөм вьылын абу долыд.

И друг аддза: котөртө миянлань ныв, чышъяныс пель-
пом вылас лэччөма, юрсисө пыркөдө төлыс... Зина! Усь-
көдчи паныдөн, кватиті киясөдыс. А сійө нюмъялө и бөр-
дө. Сулалам — горшным гөрддзасис.

Тутөстїс автобус. Ставным өгтшөтш өта-мөдлы зілям
висьтавны, мый эг удитөй, тэрмасям. Зина окалө менө,
шөпкөдө пельө. Мый шөпкөдө — толькө меным, и ме
төда: сійө шөпкөмсө кута кывны нэм чөж. Пукси авто-
бусө, горза, код төдас мый.

А со и Сөпдино... Кызди жө менө тани встретитасны?— ыджыда лолышти Андрей, и лонис.

Збыльысь, туйыс чукулытышти неыджыд вөр ди бокд, и ыджыд мылык бокшаын тыдовтчисны шонди улын югьялысь выль вевтяса керкаяс.


Андрей сувти да, кабинаас кутчысьомөн, кутис видзодны водзө, сиктлань; став вөрасыс и чужомыс петкодлісны сылысь думьяссө, волнуйтчөмсө.

Да. Коли сэксянь вит төлысьысь неуна этшаджык. Меным эз удайтчы ветлыны Сөпдинскөй РТС-ө, медым сетны Андрейлы туй вылын снимайтөм карточкасө, сы вөсна мый частө ветлөдлі район пасьта. И ме эг төд, кызди сийөс встретитисны ертьясыс, кызди оліс сийө тайө кад чөжыс, кутшөм сьөкыдлунтяс вөліны сылөн, адзис эз ертьясыслысь довериесө. И эз кө отсав случай, ме, гашкө, дыр на эг төд нинөм Андрей йылысь.

Лун куим сайын, почта видлалігөн, син улө уси «Гөрд знамя» газетысь жирнөй букваяса гижөд: «Коммунистическөй уджалысь бригадалөн ним вөсна!» А улынджык снимок: «Сөпдинскөй РТС-са ремонтнөй бригада Виктор Смолев юрнуөдөм улын пуктис аслыс мог — овны да уджавны коммунистическөй».

Кор аддзан журналтясысь либө газеттясысь аслад землякяс йылысь гижөдтяс, кутшөмкө аслыспөлөс кыпыдлун чужө морөсад лыддигас. Видзөдлі первой снимок вылас — көкьямыс морт, а горулас овьяссө гижөма. Лыдди: Политов, Васин, Демидов, Уляшев, Ветошкин... Весиг чуйми: Ветошкин?.. Андрей?..

Выльысь мунис син водзти машинаөн локтөм, Андрейлөн ас йывсыс висьталөмыс.



26636

35 көп.
с 1.1.61 г. — 4 к.